

報章  
Press

頭條日報

Head Line

刊登日期  
Publish Date

2016-08-26

標題  
Title

香港名牌薈萃

相關德國寶產品  
Related Product(s)

德國寶 German Pool



## 香港名牌薈萃 工作坊體驗產品實用

經濟麻痺，零售業首當其衝，香港品牌都要設計仔細出重圍。由香港知名品牌所成立嘅香港名牌薈萃，致力凝聚各大品牌，最近更舉辦工作坊，模擬小蠅居環境，展現品牌會員嘅產品如何作出配搭，讓市民體驗產品嘅實用功能，提升品牌嘅親和力同共鳴感。

前日係香港名牌薈萃嘅周年典禮(見圖)，好多商界名人出席，包括香港名牌薈萃主席孫榮聰、第二屆深港設計雙年展首席策劃人劉小康，及香港優質標誌局委員主席丁煒章等。香港名牌薈萃為響應政府「活化工廈」的政策，二〇一二年係荔枝角永明工業大廈打造咗一個八千呎職陳列室，早前就睇呢度舉辦工作坊，模擬一個小蠅居環境，讓市民體驗到產品嘅實用功能，並擺脫過去嘅硬銷手法，Kelly都要畀個like。



聯絡電郵: [editorial@hkheadline.com](mailto:editorial@hkheadline.com)

八十年歷史嘅沙田龍華酒店，除咗紅燒乳鴿馳名，Kelly仲八卦到，老闆鍾鑑樺好鍾意音樂，一家人都係愛樂之人，仲識玩多種樂器。小妹早排有幸應邀到龍華出席音樂雅敘弦樂夜，兼品嚐私房菜，鍾先生嘅三公子及幼女，喺國際知名小提琴家李厚義領導下即席演奏，小妹聽出耳油。龍華計劃未來搞民歌音樂會，實行與眾同樂咁話。

## 計劃搞民歌音樂會

# 龍華弦樂夜 聽得嘅私房菜

Kelly知道，鍾先生為愛樂之人，早在六十年代已考獲英國KCM音樂學院的獨唱文憑，佢嘅子女更加係個個彈得唱得。二公子鍾裕森為國際知名嘅古鍵琴學者，次女為出色鋼琴手，而幼女Elodie及三公子Vicent，均師隨國際知名小提琴家李厚義，拉得一手好小提琴。

### 可包場搵樂隊表演

當晚龍華盛會嘅李厚義領導下，Vicent、Elodie與一眾學生組成嘅小提琴弦樂隊，一口氣演奏多首小提琴古典樂，Kelly覺得好動聽。原來Elodie年僅十六歲，已經頗有大將之風，嚟緊Elodie即將出席在本月底嘅瑞典國際音樂節，與國際級小提琴手同台演出嚟！原來龍華可以包場，食客自己找來小型樂隊都得，龍華並且計劃未來搞民歌音樂會，等食客一邊進餐一邊享受美樂咁話。



■小提琴家李厚義(右三)，與龍華老闆幼女Elodie(左三)及三公子Vicent(左二)即席演奏。



■龍華可以包場，邊食邊享受美樂。